

PRIVILEGIUM CÆSAREVM.

Privilegium super editione præmemorata Quintæ partis Atlantis, una cum tabulis tam in majori, quam minori forma, adeoque cum tabula Scotiæ generali facienda clementer concessimus, prout prudentes, scientes, animo bene deliberato, ac Cæsarea Nostra auctoritate concedimus, facultatem eidem dantes, ut sæpeditam Quintam partem Atlantis, tabulasque ejusdem tam in majori, quam minori forma, adeoque tabulam Scotiæ generalem, si ita ipsi visum fuerit, excudere atque evulgare possit: ex adverso omnibus ac singulis Typographis, Bibliopolis, Bibliopegis, & librorum compactoribus, & aliis quibuscunque librariam negotiationem exercentibus, tenore præsentium inhibentes, ac vetantes, ne quis eorum prædictam Quintam partem Atlantis, ejusve tabulas tam in majori, quam minori forma, uti nec tabulam Scotiæ generalem, posteaquam omnia ista à sæpementorato Blaeu ita excusa, atque edita fuerint, intra duodecennium à prima publicationis die proxime computandum, intra Sacri Romani Imperii, Regnorumque, Provinciarum, ac Dominiorum Nostrorum hæreditariorum fines simili, vel alio typo & charactere, vel forma ac tabulis, vel etiam per compendium, aut sub augmentatione alterius cujusdam Auctoris, in toto sive in parte recudere, vel alio recudendum dare, vel alibi etiam impressam, aut impressas importare, adducere, vendere aut distrahere clam vel palam, citra voluntatem ac consensum sæpediti Ioannis Blaeu, ejusve hæredum, ausit præsumatve. Si quis autem secus faxit, & interdictum hoc Nostrum temerario quodam ausu migrare, negligere, transgredi & violare non fuerit veritus, is non solum hujusmodi libris ac tabulis perperam quippe & fraudulenter recufis, atque importatis, (quos quidem, vel quas antedictus Blaeu, ejusve hæredes vel propria auctoritate, vel magistratus loci illius auxilio apprehendere ac sibi vendicare poterit) de facto privari: sed viginti insuper marcarum auri puri puti, ex semisse in Ærarium sive fiscum Nostrum Imperialem fraudis nimirum vindicem, ex altero vero semisse sæpementorato Ioanni Blaeu, ejusve hæredibus, tanquam parti læsæ, omni remissionis ac veniæ spe præcisa pendendarum mulctam dare damnas esto: hac tamen lege, ut prædictus Blaeu quaterna ut minus exemplaria dictæ Quintæ partis Atlantis, statim post finitam editionem aut impressionem, ad Cancellariam Nostram Imperialem curet transmittenda; Quod si neglexerit, hac Nostra gratia ac Privilegio neutiquam frui, gaudereve possit, sed eo statim privatus atque exutus esse censeatur. Mandamus ergo universis ac singulis Nostris & Sacri Imperii, Regnorumque, Pro-

★ ★

vincia-